

## 放暝更更高興

前蜀巡講「那辰侯，每蜀隻倪因羔都著讀小學。」  
只回罔講儂「放暝」。

放暝以後大家會著山隴骹遛。  
那辰侯，厝前斗有蜀隻空地，  
我第一歡喜共同學著夫塊所拍彈珠。  
(勿會)捌是底儂開始著地兜畫蜀其框框，  
大家搭自家其彈珠慶故框框底勢，蜀隻儂蜀隻儂輪蜀下，伏故地兜開始彈，  
看伊使大拇拇、當中指，也會使使犄角指、無名指，  
無管使底蜀其手跣指，底儂彈出環環外兜，  
彈幾粒出底，底儂就贏幾粒囉。  
骹遛野有味！但是我嬾(勿會)歡喜我拍彈珠，  
因為伊野澈潔，每蜀巡看著我伏故地兜，伊會講「地兜倂攏喔，塗粉做蜀身」。  
倪因羔蜀身塗也無要緊，有贏就野高興咯！  
蜀粒、兩粒、十幾粒...因著罐罐，因著屨屨。  
就是第一好的本錢咯。